

■ GLOSSA

# Mo peschs morts sa nodan cun il flum

= Titel d'in cudesch da Nicolas Linth

DA GISULA TSCHARNER, VEULDEN

**K**ärnten, l'onn 2000: *Mas-  
sas da gliעד e tut las  
generaziuns adoreschan dadaut  
lur Haider, staila nova al  
tschiel da democrazia grisch e  
da miffa. Giuvnas e giuvens en  
la disco dattan sbratgs da ven-  
tura, tuts en ina vusch, fasci-  
nads en lur aivrada Haide-  
riana. A mintga mamma era  
vegnì empermess in schec da  
800 francs/pro uffant sut 6  
onns. Nagin crap che restia sin  
l'auter, aveva profetisà Jörg  
Haider avant si'elecziun. Ils  
pretschs da fittanza e da cur-  
rent vegnan sbassads, la struva  
da lescha disfavurescha ils esters  
pli che mai. Il Haider sauta e  
fa festa cun giuvens e vegls,  
adina cun fatscha rionta.  
Uschia hai jau vis en la TV e  
legì en la Weltwoche.*

**B**erlin, l'onn 1933: *In pro-  
gram da procurar lavur è  
vegni preschentà, las colonnas  
da schuldads en brin èn passa-  
das tras la citad, in entusiassem  
collectiv sin las fatschas, ed ils  
umens han repetì las empermi-  
schuns dal manader, ch'i dettia  
paun per tuts e deliberaziun  
ord las chadainas dal  
«Contract da Versailles».  
Uschia m'ha raquintà ina per-  
ditga oculara tudestga; er ella  
gidava da guidar champs da  
giuventetgna durant il temp  
dal «Heil Hitler».*

**G**rischun, l'onn 1999:  
*Commembers ed aderents  
da la pps empermettevan da-  
daut che las taglias vegnian  
sbassadas, che la lescha d'asil  
vegna pratitgada pli rigurusa-  
main e che las contribuziuns  
socialas hajan da star uschè  
pitschnas sco pussaivel. Uschia  
mes cuncandidatas e cuncandi-  
dats per il cussegl naziunal, du-  
rant ina preschentaziun en la  
scola professiunala. Il grond  
muvel dals sculars deva slops e  
sbratgs da plaschair, surtut cur  
ch'i gieva cunter ils esters, cun-  
ter la responsabladad ecologica*

*da mintgin, cunter tut quai che  
custa.*

**I**l Signur Blocher, cunbain  
*ch'el ha blers critichers (sco  
Haider e Hitler) vegn ludà ed  
adora da las massas: el discorra  
uschè bain, el discorra en il tun  
che plascha a la pluralitad dal  
pievel. El empermetta il parvis  
en la naziun che sa numna la  
Svizra.*

**J**erusalem, l'onn 1000 av.  
*Cr.: David, um talentà,  
guerrier cun success e carrierist  
giuven, ha conquistà en paucs  
onns la confidanza da l'armada  
e da la regenza burgaisa. Ils cors  
da las dunnas er. La staila nova  
al tschiel grisch da la regenza  
aristocratica en questa regiun  
centrala d'Israel! Cur che David,  
en sia aivrezza da victoria, ha  
manà la processiuun cun l'object  
da nazionalitad israelitica il pli  
aut, ha el sautà e chantà cun tut  
la populaziun, sa preschentond  
sasez en in entusiassem fin dis-  
gust. El haja reparat a tut la  
gliעד paun da festa, datlas e  
uettas setgentadas, lez di.*

*Uschia pon ins leger suenter en  
il rapport biblic. Il retg David  
ha empermess d'agrandir il  
stadi d'in dals pli gronds impe-  
ris da l'orient., ed el ha cun-  
tanschì quai, cumbattend e  
mazzond en in cuntin. Il pievel  
al temeava ed al adorava enina.*

**Q**uatter fenomens, quatter  
*lieus, quatter temps. Las  
parallelas èn clerass. Quai che  
ma fatschenta persunalmain:  
La flaiveltezza da nus umans  
dad ans laschar surmanar  
adina puspè da singuls car-  
stgauns ch'han il carisma da sa  
far bainvis e da narcotisar noss  
senn da responsabladad indivi-  
duala e collectiva. Betg ils de-  
magogs numnads èn il problem,  
ma il pievel che sa lascha  
tschorventar dad els. Regalar  
paun, raps e divertiments, quai  
tira adina, dapi ch'i dat car-  
stgauns. Cun questa trapla han  
gia ils Romans sa suttamess las  
massas.*